



UMQEQESHI weThanda Royal Zulu uRodger Sikhakhane equkulwe abalandeli beqembu ngemuva kokuthi eliphindisele kwi-Absa Premiership kulandela ukwehlula iStellenbosch FC emdlalweni obuseMhlathuze Sports Complex ngoLwesithathu  
 Isithombe: SBONELONGCOBO

# Iziyalo zikaSikhakhane kozakwabo abaqeqesha kwiNFD

## NHLANHLA SITHOLE

UMQEQESHI weThanda Royal Zulu, uRodger Sikhakhane uhlabe ikhwela kozakwabo abaqeqesha kwiNational First Division (NFD) elithi uma befuna impumelelo kulesi sigaba akufanele bathathe zonke izitayela zabanye abantu kodwa ababambelele endleleni abakholelwayo kuyona nezokwenza amaqembu aziwe ngayo futhi angagudluki kuyona noma ngabe sekunzima kangakanani.

Akukhona okokuqala uSikhakhane efaka iqembu likaNFD esigabeni esikhulu. Uqale ukugila izimanga kwiChippa United kwathiwa mhlawumbe ucilo uthuke ezishayisa endukwini.

Lo mqeqeshi ufike kwiThanda ngasekupheleni kwesizini edlule ezoyitakula ekutheni lingacwili esizibeni njengoba yase ivelengonyane kwatatalagu.

Namhlanje sekumlandlo ukuthi iThanda ibuyele esigabeni esikhokhelwayo ngaphansi kobuholi bakhe.

Amabhumbesi azinze eMhlathuze ngaphesheya komfula uThukela enyukele esigabeni esikhulu ngokushaya iStellenbosch ngo 2-1 emdlalweni obuseMhlathuze Sports Complex ngoLwesithathu ntabama.

"Impumelelo yami ilula ngiyakholelwa esitayeleni engifuna iqembu engilinqeqeshayo lidlale ngaso.

"Ngasekupheleni kwesizini edlule ngifike izinto zimapeketwane ngazama ukulungisa isimo okwesikhshana ukuze sikwazi ukuvika izembe. Ngale sizin kube yilapho engikwazile ukutshala isitayela sami sokuthi abadlali kuzofanele bangalixoshi ibhola kodwa lisuke komunye liye komunye," kusho uSikhakhane.

Ebuzwa ukuthi ngabe ubengenalokho uvalelo ukuthi le ndlela yokudlala ibizohambe ikhathaze abadlali uma sezija emajikeni okuphela kwesizini uthe ubengenalokho nuncane uvalelo lwalokho.

"Konke kusukela ngesikhathi wenza malungiselelo okuqala kwesizini. Uma uwenze ngendlela econdile wakwazi ukutshala kahle indlela ofuna abafana badlale ngayo ngeke uze ube nenkinga ngesikhathi kuqhubeka imidlalo yesizini. Bengingenalokho nuncane uvalelo yize bekukhona abantu abathi umgqigo esihamba ngawo uzohambe wehle," kuchaza uSikhakhane.

Mayelana nokuqinisa iqembu lakhe

ILOG YENFD						
National First Division						
Amaqembu	Pld	W	D	L	GF	GA
Thanda	27	15	11	1	46	21
Black Leopards	27	12	8	7	39	33
Stellenbosch FC	27	12	7	8	36	28
Royal Eagles	27	11	8	8	47	35
AmaZulu	27	12	5	10	44	35
Witbank Spurs	27	11	8	8	36	34
Mbombela	27	11	7	9	39	12
Mthatha Bucks	27	8	13	6	35	35
Real Kings FC	27	9	9	9	35	30
Jomo Cosmos	26	9	8	9	28	26
Univ of Pretoria	27	9	6	12	29	33
CT All Stars	26	6	11	9	19	26
Milano	27	9	2	16	33	52
Magesi FC	27	7	7	13	27	39
FC Cape Town	27	6	10	11	32	45
Santos	27	3	10	14	15	36

njengoba selizogijima kwiPSL uthe bakhona abadlali anabo ekhanda lakhe afuna ukuqinisa ngabo.

"Ngabe siyazikhohlisa uma singathi ngeke sithungathe abadlali esizogijima ngabo. Nakuba kunjalo kodwa ngeke silandele inqwaba yabadlali. Mhlawumbe sizosayinisa abadlali abayisithupha. Futhi abadlali esibafunayo akubona asebezophelelwa yisikhathi. Sifuna abadlali abasebancane abasokwazi ukwenza lento esikholelwa kuyona kwiThanda," kusho uSikhakhane.

Uphethe ngokuthi abonge ubambiswano kusukela kubaphathi beqembu, ithimba labaqeqeshi kuze kuyoshaya kubadlali.

Ngabe siyazikhohlisa uma singathi ngeke sithungathe abadlali esizogijima ngabo. Nakuba kunjalo kodwa ngeke silandele inqwaba yabadlali.

Mhlawumbe sizosayinisa abadlali abayisithupha. Futhi abadlali esibafunayo akubona asebezophelelwa yisikhathi. Sifuna abadlali abasebancane abasokwazi ukwenza lento esikholelwa kuyona kwiThanda," kusho uSikhakhane.

### Imidlalo yeNFD namuhla ngo 3 ntabama:

Black Leopards v Magesi FC (Thohoyandou); Witbank Spurs v Mbombela United (Puma Rugby Stadium); FC Cape Town v Mthatha Bucks (NNK Rugby); Stellenbosch FC v Real Kings FC (Ahlone Stadium).

Kusasa ngo 3 ntabama: University of Pretoria v Milano United AFC (Tuks Stadium); Jomo Cosmos v Royal Eagles (Tsakane Stadium); AmaZulu v Santos (Prince Magogo); Cape Town All Stars v Thanda Royal Zulu (Parow Park).

